



Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 14. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj 52/25 i 28/26), člana 8. Pravilnika o uslovima i kriterijima za izbor korisnika sredstava Budžeta Općine Centar Sarajevo iz oblasti kulture („Službene novine Kanton Sarajevo“, broj: 19/26“) i odluke o pokretanju postupka raspisivanja i provođenja ponovljenog javnog poziva za izbor korisnika i dodjelu sredstava iz Budžeta Općine Centar Sarajevo iz oblasti kulture za 2026. godinu- kulturno-umjetnička društva, broj: 13-11-520/26 od 17.09.2026. godine, Općinski načelnik upućuje

PONOVLJENI JAVNI POZIV
za izbor korisnika i dodjele sredstava iz Budžeta Općine Centar Sarajevo iz oblasti kulture za 2026. godinu- kulturno-umjetnička društva

I PREDMET JAVNOG POZIVA

Predmet javnog poziva je dodjela budžetskih sredstva za finansiranje i sufinansiranje programa i projekata kulturno- umjetničkih društava s ciljem unapređenja kulturnih sadržaja i razvoja kulturno-umjetničkog stvaralaštva na području općine Centar Sarajevo.

Javni poziv se provodi u skladu sa Pravilnikom o uslovima i kriterijima za izbor korisnika sredstava budžeta Općine Centar Sarajevo iz oblasti kulture.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoći.

II IZNOS SREDSTAVA

Za realizaciju programa i projekata kulturno- umjetničkih društava planirana su sredstva u ukupnom iznosu od 45.000,00 KM.

Sredstva su planirana u Budžetu Općine Centar Sarajevo za 2026. godinu na poziciji - Tekući transferi neprofitnim organizacijama kulturno-umjetnička društva (ekonomski kod 614311-16).

Aplikanti koji ispunjavaju opće i posebne kriterije utvrđene Pravilnikom o uslovima i kriterijima za izbor korisnika sredstava budžeta Općine Centar Sarajevo iz oblasti kulture, mogu ostvariti minimalno 5%, a maksimalno 50% od ukupnih sredstava obezbijeđenih u Budžetu Općine Centar Sarajevo za 2026. godinu za ovu namjenu.

Općina zadržava pravo korekcije predloženih budžeta ili djelimičnog finansiranja predloženih aktivnosti (sufinansiranja). Ukoliko je iznos traženih sredstava manji od minimalno definisanog iznosa, Općina će finansirati stvarni iznos programa.

Aplikanti mogu predložiti više različitih programa, ali će Općina finansirati ili sufinansirati maksimalno dva (2) programa jednog korisnika sredstava.

Od ukupno dodijeljenih sredstava, aplikanti mogu iznos od 25% raspodijeliti i utrošiti na plaće uposlenika, honorare i režijske troškove.

III PRAVO UČEŠĆA

Pravo prijave na Javni poziv imaju kulturno- umjetnička društva koja:

- Imaju sjedište na području Općine Centar Sarajevo;
- Imaju status pravnog lica;
- Registrovani su za obavljanje djelatnosti članskih organizacija;
- Ispunjavaju uslove propisane Pravilnikom o uslovima i kriterijima za izbor korisnika sredstava Budžeta Općine Centar Sarajevo iz oblasti kulture;

IV NAMJENA SREDSTAVA

Sredstva se dodjeljuju za finansiranje ili sufinansiranje javnih potreba u oblastima kulture i umjetnosti, a naročito izvorno kulturno- umjetničkog stvaralaštva što podrazumjeva

1. Tradicionalne kulturno-umjetničke manifestacije;
2. Edukativni programi iz oblasti kulture i umjetnosti;
3. Kulturno-umjetnički amaterizam;
5. Festivali i manifestacije kojima se promoviše kulturno-umjetnička vrijednost;
6. Programi koji su vezani za različite oblike rekonstrukcije autohtone materijalne i nematerijalne zavičajne baštine (nošnja, koreografija itd.).
8. Programi zaštite kulturnog stvaralaštva;
9. Programi međunarodne i međuregionalne kulturne saradnje;
10. Programi u oblasti muzičke i muzičko scenske umjetnosti
11. Koncerti, izložbe, naučni skupovi, promocije i sl.;
14. Zastita i očuvanje nepokretnih, pokretnih i nematerijalnih kulturnih dobara;
16. Podrška programima kojima se afirmišu mladi talenti u oblasti kulture i umjetnosti.

U okviru namjena utvrđenih članom 5. Pravilnika sredstva se mogu koristiti za realizaciju programa i aktivnosti koje se odnose na :

- Njegovanje i očuvanje tradicionalnog i izvornog kulturno- umjetničkog stvaralaštva;
- Razvoj folklornog, muzičkog, plesnog i drugog kulturno- umjetničkog stvaralaštva;
- Organizacija kulturno- umjetničkih manifestacija, koncerata, smotri i drugih programa;
- Učešće na domaćim i međunarodnim kulturno- umjetničkim manifestacijama;
- Edukativni programi, radionice, probe i druge aktivnosti usmjerene na razvoj članstva;
- Programi namijenjeni djeci i mladima;
- Očuvanje i promocija kulturne baštine
- Drugi programi i aktivnosti od značaja za razvoj kulture na području Općine Centar Sarajevo

Sredstva se ne mogu koristiti za namjene koje nisu odobrene Javnim pozivom i odobrenim projektnim prijedlogom.

V CILJEVI

Cilj ovog Javnog poziva je osigurati adekvatnu i sistemsku podršku kulturno-umjetničkim društvima.

Svaki aplikant mora uskladiti projekat sa nekim od sljedećih ciljeva:

- Podsticanje stvaralaštva u oblasti kulture;
- Uključivanje što većeg broja djece i mladih u programe iz oblasti kulturno-umjetničkog stvaralaštva;
- Unapređenje kulturnih sadržaja na području općine Centar;
- Afirmacija kulturno-historijskog naslijeđa;
- Podsticaj uspostavljanju i jačanju međuregionalne i međunarodne saradnje u oblasti kulture;
- Promoviranje estetskih vrijednosti u svim oblastima umjetničkog stvaralaštva;
- Podrška kontinuitetu afirmiranih vrijednosti umjetničkog stvaralaštva;

- Podsticanje inovativnih pristupa umjetničkom stvaralaštvu;
- Podrška tradicionalnim festivalima i manifestacijama iz oblasti kulture i umjetnosti;
- Ravnomjerna zastupljenost svih oblasti kulturnog i umjetničkog stvaralaštva;
- Stimulisanje, razvoj i unapređenje kulturnog i umjetničkog stvaralaštva na području Općine;

VI KRITERIJI ZA IZBOR KANDIDATA

Pored već utvrđene namjene sredstava, prilikom procjene predloženih programa vrednovat će se:

- društveni i kulturološki značaj predloženog programa izražen kroz jasne i realne ciljeve;
- procjena usklađenosti programa sa ciljevima utvrđenim u tekstu Javnog poziva te način na koji će projekat osigurati ostvarivanje definisanih ciljeva;
- dosadašnje iskustvo i rezultati u organiziranju kulturnih i umjetničkih manifestacija, produkciji u kreativnoj industriji, te rad u oblasti zaštite pokretnog i nepokretnog kulturnog naslijeđa, materijalne i nematerijalne kulturne baštine (broj osposobljenih stručnih osoba s potrebnim kvalifikacijama);
- područje djelovanja, odnosno područje jedne ili više lokalnih zajednica, međuentitetska i regionalna kao i šira međunarodna kulturna saradnja;
- broj korisnika predloženog programa;
- opravdanost i visina predviđenih materijalnih troškova, te učešće pojedinih vrsta izdataka u ukupnom budžetu programa.

Tabela bodovanja:

1.	Da li su ciljevi programa jasno definisani i realno dostižni	0-5 bodova
2.	Da li su aktivnosti programa jasne, opravdane, razumljive i provedive	0-5 bodova
3.	Da li je program u većoj mjeri usmjeren na zadovoljavanje javnih potreba iz oblasti kulture i umjetnosti	0-5 bodova
4.	Ima li aplikant dovoljno kapaciteta za provedbu prijavljenog programa Do 1-5 zaposlenih Od 5-15 zaposlenih Preko 15 zaposlenih	5 boda 10 bodova 25 bodova
5.	Tradicija programa Od 0-10 godina Od 10-25 godina Preko 25 godina	5 boda 10 bodova 25 bodova
6.	Da li je područje djelovanja programa u skladu sa prioritetima Javnog poziva	0-5 bodova
7.	Da li program ima regionalni/međunarodni karakter	15 bodova
8.	Na koji način će program doprinijeti promociji lokalne zajednice	0-5 bodova
9.	Broj predviđenih korisnika programa	0-5 bodova
10.	Da li su troškovi programa usklađeni sa planiranim aktivnostima	0-5 bodova

Svaki član Komisije pojedinačno boduje svaki od navedenih kriterija. Maksimalan broj bodova koji jedan član Komisije može dodijeliti iznosi 100 bodova.

Iznos sredstava utvrđuje se prema broju ostvarenih bodova, na način da programi sa većim brojem bodova mogu ostvariti veći iznos sredstava.

Komisija zadržava pravo da, u skladu s raspoloživim budžetskim sredstvima, odredi iznos sredstava, uz obavezu poštivanja utvrđenog bodovnog poretka

Općina Centar neće razmatrati zahtjeve koji:

- nisu dostavljeni u roku naznačenom u Javnom pozivu;
- nemaju formalne uslove za kandidovanje programa (nepotpuna ili netačna dokumentacija);
- su predloženi od kulturno- umjetničkog društva koje nije dostavilo izvještaj o namjenskom utrošku sredstava dodijeljenih iz Budžeta Općine;

- realizaciju svih aktivnosti planiraju izvan teritorije općine i koje ni u jednom dijelu ne obuhvataju stanovništvo sa područja općine;
- podržavaju rad političkih stranaka;
- nemaju ključne informacije o programu (vrijeme realizacije, budžet, ciljevi i/ili aktivnosti koje će se provoditi);
- nisu usklađeni sa ciljevima i namjenom, a koji su definisani ovim Pravilnikom;
- su bazirani na kupovini opreme i/ili rekonstrukciji i sanaciji objekata.

VII PRIJAVA NA JAVNI POZIV I POTREBNA DOKUMENTACIJA

Prijava na Javni poziv podnosi se na propisanom prijavnom obrascu uz prijedlog projekta koji je objavljen u prilogu ovog Javnog poziva na zvaničnoj web stranici Općine Centar Sarajevo.

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije):

1. Uredno popunjen prijavni obrazac i prijedlog projekta koji obuhvata:
 - a) Cilj programa i ciljne grupe obuhvaćene programom;
 - b) Vrijeme planirane realizacije programa;
 - c) Planirani učinak u odnosu na strateške ciljeve definisane u Javnom pozivu;
 - d) Budžet planiranog programa;
2. Uvjerjenje o poreskoj registraciji – ID broj;
3. Aktuelni izvod o upisu iz odgovarajućeg registra;
4. Obavještenje o razvrstavanju pravnog lica prema djelatnosti;
5. Potvrda poslovne banke da račun nije blokiran iz koje se vidi broj transakcijskog računa;
6. Uvjerjenje porezne uprave o izmirenim poreskim obavezama ili Sporazum o odgođenom plaćanju ili plaćanju u ratama dužnih javnih prihoda i Lista osiguranih lica za obveznika;
7. Izjava ovlaštenog lica, ovjerena kod nadležnog organa, da program ima regionalni/međunarodni karakter (ukoliko je primjenjivo);
8. Izjava o primljenim de minimis potporama.

Dokumentacija, ne starija od 3 mjeseca od dana podnošenja prijave na Javni poziv, se podnosi u originalu ili ovjerenoj kopiji.

Dostavljeni lični podaci podnosioca prijava koristit će se isključivo za potrebe provođenja Javnog poziva, u skladu sa Zakonom o zaštiti ličnih podataka Bosne i Hercegovine.

VIII NAČIN DODJELE NOVČANIH SREDSTAVA

Pristigle zahtjeve će razmatrati Komisija za provođenje postupka odabira korisnika za finansiranje/sufinansiranje programa iz kulture- kulturno- umjetnička društva (U daljem tekstu: Komisija za provođenje postupka), a koju imenuje općinski načelnik. Općinski načelnik na osnovu prijedloga odluke Komisije o odabiru korisnika objavljuje preliminaru listu odabranih korisnika.

Svaki član komisije bit će isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja.

Nakon okončanog postupka prigovora Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Korisnik sredstava se obavezuje da unutar svake aktivnosti promoviše i ističe podršku

lokalne zajednice.

Prihvataju se troškovi koji su nastali u periodu od 01.01. do 31.12. u godini u kojoj je Javni poziv objavljen, ukoliko su u vezi sa odobrenim programom.

IX NAČIN PODNOŠENJA ZAHTJEVA I TRAJANJE JAVNOG POZIVA

Javni poziv se objavljuje na web stranici Općine i ostaje otvoren 15 dana od dana objavljivanja.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola Općine ili putem pošte sa naznakom „Javni poziv za izbor korisnika i dodjele sredstava iz Budžeta Općine Centar Sarajevo iz oblasti kulture za 2026. godinu“. Sve dodatne informacije o načinu i postupku prijave na Javni poziv mogu se dobiti putem telefona 033/562-395 i 033/562-360 ili maila: kultura@centar.ba.



Broj: 13-11-5200/26-1
Sarajevo, 17.09.2026. godine